

29. BRISQUET AVEC SON LICHIEU

Un jour ti ennan un "Cier" qui ti appelle Brisquet et y ti un pe misere. Sa homme ti rester dans un p'tit la cage enpaille en France. Y ti ennan son madame Brisquette et deux z'enfants, un garcon avec un fille et zotte ti appelle Biscotin avec Biscotine et y ti aussi ennan son lichieu qui ti appelle Bichonne.

Tous les jours sa homme y alle travail pour gagne manger acause y ti misere. Derriere y ti quitte son madame avec son lichieu et aussi son deux z'enfants dans la cour. Quand Brisquet y alle travail y dire avec zotte, pas besoin sorti pour alle marche parcequi loulou pou devore zotte en morceau.

Pas besoin dire ou qui Brisquet ti un homme qui ti bien malin et prudent. Quand meme y misere. Mais pou empeche loulou entrer dans son la cour y ti plante un quantite piquet toule le tour son la cage. Leur Brisquet y ti fini dire sa qui y ti ennan pour dire avec son madame y prend son "larche" avec son "l'acie" et avec son "lime" et mette lo son zepole et y dire aurevoir son madame avec son z'enfants et y quitte la cour pou alle travail.

Tous les jours y abitier arrive bonheure mais sa jour fair noir ti faire et y pas ti arriver, pas besoin dire ou madame pas trouve son bouldou vini et y commence tracaser. Son l'idee y commence travail et y gagne toutes sortes magination dans li meme et y pas connain qui pour li faire li meme. Brisquette y dire avec son deux enfants mon banne piti zotte papa pas vini aujourd'hui, zotte pas pour gagne manger, et y crier son deux z'enfants Biscotin avec Biscotine et y dire zotte alle joindre zotte papa tard pe faire mais nous pas connain qui ine capable arrive li dans son travail dans bois. Pas besoin dire ou maramaille y lafaim, zotte pas guette qui pere y dire zotte prend zotte lichieu zotte faire chemin pour alle joindre zotte papa. Mais ou pas connain qui ti arrive derhier zotte. Commen zotte ti quitte l cage derhier et force zotte ine marche pour cinquante yards zotte papa ti arrive derriere zotte et y entrer dans son la cage et la son madame y demande li oli ca bande z'enfants et y dire qui i panne joindre zotte.

Present lala qui pour arrivee, papa pour retourne encore dans tous son fatigue et

desuit y dire avec son madame qui y besoin alle rode zotte parcequi loulou pou devore zotte en morceau. Asoir ine fini faire. Mais avant y prend chemin pour alle joindre zotte y gaité premier si to son piquet letours son la cage i la mais malheureusement tout ti la et y dire dans li meme qui loulou panne capable devore zotte. Et apresent y aller, Letemps y pe aller y entend un grand tapage et crier et pas besoin dire ou tonton y commence tailler parcequi y connain qui loulou pe devore zotte et leur y arrive et tour juste son lichien qui pe la gaire avec loulou pou empeche mange sa bandes z'enfants. Juste qui y capable faire y tappe sa loulou un coud baton lo son la tete et y tombe sec a terre fini mort aussi et pas besoin dire ou qui son lichien y pres pour li mort degres ine gagne bate avec loulou et Brisquet y amasse son lichien et y fini mort avec li et y quitte loulou mort a terre.

Present y aller avec son lichien mort et avec son deux z'enfants. L'heure y arrive chez li y commence raconte son madame quine arriver y prend son "lapel" avec son pioche et fouille un grand trou juste aux milieu son jardin et y enterre son lichien Bichonne et plus tard y ti acconte qui ti arrive avec son madame.

Son meme qui dire ou quand ou misere ou lichien et lala qui ti arriver avec ca deux z'enfant qui tu pe alle joindre zotte papa pour gagner manger zotte ti pres pou gangne la mort et jusqu'a aujourd'hui zotte tous zotte encore la faim.